


Likuyombilito lyapantateko lya kudimita mundiro muNamibia




Shitamboshongwa sha likukwamo lino shaku kupa vashongwa vilyo vya maghano ghakudimita mundiro mundjira ndi ukaro ya wangu wangu pahana shiponga. Mbapira yino kuna kara mo maghano ghamwe oghe ngava kakushonga mwamunene mushirughe sha likuyombilito.

Mundiro shininke sha mulyo hambara mu ntungontjitwe nadintje rambangako nado dakaro mumaruha Kavango na Zambezi. Mukukushonga ashi weni omo mundiro wakunungaukanga na ntani omo daghugumanga vikaramo vya munkarapamwe vashongwa kuvhura kukakara vadimititi mundiro ndipo vakengeli mudiro vavanene. Mbyovyoshi mundiro shininke shimwe shavirughanito shamulyo unene mumaparu ghakeheyuva mumukunda, likushongo shinenepo kuhamena mundiro kuvhura kuvatera kukandana mundiro wahana hepero nakutulitapo lirughanito mundiro muukaro wahana shiponga okuno kuna kutapa uyivi kuhamena mwaku shaghikita mundiro muruvede rwahepero.

Shikovutatu sha mundiro




Mundiro kwauyitangapo opo vyakarangapo vininke navintje vyakaropa shikovhutatu shamundiro. Kughupapo shimwe shavininke vino kukarenkita mundiro ghu tundepo ndipo ghukadime. Ntjo shirughana sha mudimiti mundiro shakuwana ndjira naku kudimbura ashi shinintjo osho shininke a vhura kuwapeko mposhi a vhure kutameka mundiro ndipo a kandanepo likuhano lyamundiro.



Kwato mpepo =
kwato mundiro




Kwato upyu =
kwato mundiro




Kwato maholi =
kwato mundiro

Ndjenditito ntatu da kutuma mundito



1. Mulikugwanekero – olino likuhano lya upyu munda ya shininke shene ndipo pakatji kavininke ovyo vina kukwatakano ndi vina kugwanekero. Oyino ndjira yasheshupo mulyo morwa vitondo navimenwa kapi vya kwatanga upyu nawa wangu wangu.



2. Mahonga ghomundiro – ovino kushoroka opo upyu warundurukanga murupe rwa mankupi ndi hongha kupitira mumpepo (yira upyu wakutunda kuliyuva). Mahonga rupe rwa mulyo omo upyu wakutumanga mulihanito mundiro.



3. Liyendaghuro - oline likuhano lya upyu mukuyeruka nakurupuka kupitira muruyendo rwa mpepo yaupyu omo yiyeruka kutundilira kumundiro. Ovino mbyo ngoli vya yititangopo muti kumundiro.

Vikaramo mumpepo ndipolikutjindjo mumpepo ovyo vya gumango ukaro wamundiro

Upyu wampepo - opo upyu una kuyeruka shiputa sha mundiro nasho kuyeruka na liyenderero lya lihanito mundiro. Opo upyu ghughurumuka ukaro wamundiro kughurumuka.

Mvhura - ungi ndi usheshu nashirugho sha mvhura kutjindja ukalimo wa ngine yamaholi (mushoni navimenwa). Maholi ogho Ghana karo na ukalimo wa ngine yayisheshu kutameka nakushora ndi kupya wangu wangu kupitakana maholi gha kuwora ndipo ghangine yayingi.

Lime lyakushetakana - Oline limeto lya ghungi ndi usheshu wa ngine mumpepo kukwama ku upyu ogho vatapanga mu peresenta kutamekera ku 1(ukukutu) nange ku peresenta 100 (unengeni) upyu wakuyeruka kushetakanita ku ngine yakushetakana yayisheshu. Ovino mbyo ngoli wapyeranga mundiro unene kumetaha (paviri ya 1 nange 5).

Mpepo - mpepo ndjo ntambontateko yavininke ovyo vya tjindjango oko wavuyekanga mundiro na liyenderero lyamundiro. Mpepo yankondo unene ku dameka liyenderero lya lihanito mundiro. Kara nashinka unene namundiro mumayuva ogho yina kuyunga mpepo.



Mpepo kutjindja muniro muniro odo dina kakwamako:

- Kuyerura litapo mpepo yamwenyo kumuniro.
- Kutjindja livyuko naliyenderero lya lihanito muniro.
- Kukukutika maholi.
- Kutwaredera mpepo ya upyu ku mpepo yakuntji yamaholi.
- Kupetekera maraka ghamuniro kumaholi Ghana diro kupya, ovyo vyayititangapo litameko kupya ntani kurerupita litameko ovyo vyayerurango lidameko lyamuniro na liyenderero lyakuhanita.

Muniro kushora unenenaku yenda wangu kupitira muvininke vino vina kukwamako:

- Mpepo yayingi
- Lime lyalisheshu/ ngine yayisheshu
- Upyu waghungi/ wakuyeruka
- Tundundu twakukugwanekera
- Liwiru lyakudira kukara nawa.

Vineghedito vya muti nevi vya tantanga

Muti wamundiro – Pakugwanejera namundiro kwaure pakukengera muti kuvhura kutapa maghano ghamulyo kuhamena kuukaro wa mundiro.



Ruvara romuti: Ukenu unene

Lime: Lyakunengena unene

Nkondo da mundiro: Usheshu



Ruvara romuti: Ushovagani woushamuki

Lime: Lyakunengena kadidi

Nkondo da mundiro: Wa hasha nakudameka



Ruvara romuti: Ukenu wousamuki

Lime: Lyakunengena kadidi

Nkondo da mundiro: Pakatji na kuyeruka



Ruvara romuti: Utipu/ ngoporo

Lime: Kwakukuta unene


Nkondo da mundiro: Kuyukuma

Mudwato wakukukunga pamundinda



Kehepano dwata vidwata vyakukupopelita ovyo vana kupa. Washa dwata vininke ovyo varughanita plastika ndi vinayirona morwa vyavo kuvhura kuhemuka ntani kuyititapo kupya. Rudwatito nawa kuvhura kuwanamo: katuni ndi vyuma vyaku pira kupya wangu, ligcoko, mabutisi, vyakumawoko navi vyakupopera mantjo.

Maruha gho mundiro wa mpire



Kudimbwilitse namaruha ghamundiro ghakukushuva shuva. Kukara na viyito vya yiviko naUshwinkango kupa vadimiti mundiro mbatero murughambo, nkwangu nalipiro shiponga pakukuhamitira mumundiro.

pakumana kutura vinka vya ruvede rwamundiro, ukaro, navi vyamunkarapamwe ntani lipopero mushinka vakungi mundiro vana hepa kutulitapo ndjira damulyo unene mukugwanekera namundiro. Marudi maviri ghene ghene po kwakara lihomono lyakuvyukilira ntani lihomono lyakudira kuvyukilira.

MOKERA POMUNDINDA

Shitaura

Lidi

Ruha rombunga

X Ntateko

Lidi


Mutunda wamundiro

Ruha rombunga

MBUNGA YO KUHOVA

MBUNGA YO UVIRI

KUHOMOKERA MOKAHOREHORE



Lihomono lyakudirakuvyukilira – ndjira yino kuyi fanikita omo vadika mutunda wakurughanita ure wangandi kutunda kuuhura wapo una kupyera mundiro kukwama ntjitwe ndi vidika vyakutjora mundiro (vitaure, ndjira vatutura, dimukuro). Ndjenditito yino kupura maholi pakatji kamutunda nauhura wamundiro Ghana hepa kughashorapo (kudimita mundiro namundiro).

LIYENDITO LYAKUKENITA MUTUNDA DAKUSHAYIKITA MUNDIRO



Lidiko Iya mutunda wakuyenderera wamundiro – mpito vaturapo va dimity mundiro vatunge mutunda wamundiro ngo mbunga nakehe muhamenimo omo a rughana virughana vyakukutapera vyakushetakana. Iirughaneno kumwe nalikuyendokumwe ndjo ndughanito yakukwangura kutulitapo litjoro mundiro mukukundurukida mundiro.

Neghedo da livango lyamutunda wamundiro

SHIRUGHANA	SHITAMBO NAMAUWA
Ghayarera kumeho nakutameka	Tameka maholi ntani vineghedo vya garaphika kumeho ya mutunda wamundiro kukuvinduka palivango lya mbunga. Ovino kuvatera muku tulika nkondo navirughana mukufaneka mutunda wamundiro mushishongwa shikaremultipopero nakutikiliramo paureru.
Ndjira yakuyimaneka pausheshu	Ndjira yakupira kupitita pausheshu kupopera ruvedenankondo mukughupa uwa mumavango oghoghakaro natumuyaro twantjitwe twatudidi, tumenwa twatudidi, ndipo tuneghedito tumwe twakaro mulyo kulidiko lyamutunda wa mundiro.
Rughanita nkondelito dyakaropo	Kurughanita nkondelito dakaropo dapantjitwe navikoramantani vininke varughana vantu kuvhurakukara mulyo unene nakukondera ruvede nankondo.
Shendauka maholi ghamangi ndi ghamadito ndi unkundi wakudira kutaterera	Shetekerako kushenduka maholi ghaudito, tura ure wakutanta vintu ku unkundi ogho una diri kutaterera munda yalivangorughaneno, opo ghuna kuvhura, tura maholi ghamangi unene, navimwe ngoli pantunda ya mutundarughaneno.
Shenduka tundundu twakukupata ndi twashiponga	Tundundu twakukupata ndi twashiponga kupura shirugho shashingi namarondoro muku pita nashirugha unene muku dika tundjira.
Tura mutunda wakuvyukilira, ntani shenduka rupirukito rwarutwe	Dimutunda damundiro dina hepa kudi dika kuvindama kuntere nakunyara kukwama omo una kukura mundiro mukufupipita ure wa mutunda wamundiro nauntje. Maholi gha kudira kupya pakatji ka mutunda wamundiro namundiro ghana hepa kugha shora ntjene panderepo shiponga pakuvirughana vyo.

Lipopero

Ndjira yaureru yakuvhuka vilyo navintje vya lipopero nakutikiliramo likungo muniro mushirughana ne kurughanita marondoro 10 ghapa ntambo yakuyeruka gha kudimita muniro.

1. Kara una pukuruka kumuniro namaruvede nambudi dampepo.
2. Yiva ashi nke ghuna kurughana muniro kehepano.
3. Tura virughana navintje kovyona una kataterera pashigho ntjoshona kuukaro wamuniro.
4. Dimburura kwakuvhura kuvanda namavango gholipopero ntani ghayivite kuna vantje.
5. Rameka makengero opo shina kara shiponga.
6. Kara una yiva. Kuture. Ghayara nawa. Rughana wangu.
7. Ghambaura nambunga yoye, vakengeli nambunga dimwe.
8. Tapa marondoro ghakukena ntani kara una yiva ashi Ghana yuvikwa.
9. Kara ashi kuna kukengera vambunga yoye pavirugho navintje.
10. Pakutanga yiva lipopero, ntani ghudimita muniro naugara.

Muyaro wamaukaro 18 ghakukengera ghayivikwo, ghakaro shiponga unene muvishorokwa vyamuniro. Vadimiti muniro vahepa kurughanita marawiro ntani kutulitapo vimetavaruro pakukugwanekera na shimwe ndipo rungi rwavishorokwa vino. Rwarusheshu rukengero ukaro runa kona kuyititapo likonakono lya ndjira yakudimita muniro. Muvishorokwa vya shiponga unene kuvhura kuyititapo lishagheko kugwanekera namuniro.

LIKENGERO SHISHOROKWA	NDJIRA DA LIGHURUMWITO
1. Muniro hana likonakono	✓ Ghupapo shimwe ndi vimwe vyavinke omoghukundurukida livango olya ghukengere vilyo vyamuniro. ✓ Ghambaura ukaro nambunga.
2. Kuyatika matiku	✓ Wana mbudi kuvantu ovo vayivho livango olya. ✓ Taterera likye liyuva. ✓ Rughanena mumavango ogho Ghana pyo kare pentjamo ntani ntjene mwato shiponga sha vitondo vyakuwa.
3. Maruha ghakudira shiponga nakuvanda kapi ghana dimburukwa.	✓ Dimburura, tulitapo, ntani ghambaura mavango ndi ndjira dakudukira namavango ghalipopero. ✓ Ntjene kwato, tulitapo dimwe ndi ghayara kurughanita ndjira yapeke.

LIKENGERO SHISHOROKWA	NDJIRA DA LIGHURUMWITO
4. Kapi una yiva maruvede ndi vininke vya vina kutjindjo ukaro wamundiro.	✓ Wana mbudi kuvatungimo ovo vayivho livango olyo. ✓ Waneka mbudi kuhamea maruvede ghalivango olyo. ✓ Kuwapayikire kovyona una kudira kataterera ndi mbudi yayidona yampepo ndi likutjindjo maruvede, kupulitira ruvede muku ghurumwita ndi kughupapo viponga.
5. Muntu ghumwe kapi ana yiva ndjenditito, ndughanito naviponga.	✓ Kara una yiva ashi marondoro ghakukena vana ghatapa ntani vana ghayuvhu. ✓ Pura mapuro kumeho yakurughana.
6. Marondoro navirughana kapi vina kene.	✓ Pura mapuro ntani shana ukenu kuhamena virughanatapo navitambo. ✓ Washa Tameka virughana dogoro marondoro nalipopero vina yuvike mwakuyulilira.
7. Panderepo likugwanekero parughambo navahemeni mumbunga ndi vakengeli.	✓ Tulitapo rughambo wangu wangu nahepero. ✓ Yenda ku livango lyalipopero. ✓ Tuma muntu ghumwe aka tulitepo kughambaura, aka tape mbudi yayipe ndi aka wane marondoro.
8. Kudika mutunda wamundiro pahana lipopero lya likwato lyalivango.	✓ Vina hepa kuvitunditapo kehepano. ✓ Turapo likengero uyive shi mundiro kapishi ugume vahamenimo. ✓ Yendaura unene kumutunda wamundiro mposhi ukare una yiva ashi panderepo matjililo.
9. Kudika mutunda wamundiro palivhu lyandundu namundiro kuntji.	✓ Tunditapo shighamba shino ntjene ashishoroka. ✓ Rughanita lihomo lyene lyene ghuupepo maholi ghakudira kupya pakatji koye namundiro.
10. Kusheteka kudimita mundiro kutamekera kumeho.	✓ Shetekerakudimita mundiro kuku-ndulira kumeho ntjene maraka gha-mundiro kuna kara kilometer 2 muure. ✓ Tulitapo tumavango twakutamekera. ✓ Konakona nka nakushagheka ntjene ukaro upyu unene, shiponga ndi kwato mutompo.

LIKENGERO SHISHOROKWA	NDJIRA DA LIGHURUMWITO
11. Maholi ghakudira kupya pakatji koye namundiro.	✓ Shora maholi ghana diro kupya. ✓ Tura makengero ukengere mundiro.
12. Kudira kukenga mundiro waunene, kapi una kugwanekera nakeheuno a vhuro.	✓ Yenda kulivango lyakudira shiponga. ✓ Rameka likengero.
13. Kuruha rwandundu oko kuna karo vininke vyakukumbirumu-kakuvhura kutameka mundiro kumaholi kuntji.	✓ Dika dimurudi mumutunda wamundiro. ✓ Pirura matinde dikuvyuke na tundundu vikandane kukumbirumuka.
14. Ruvede kuna kukara upyu ntani rukukutu.	✓ Tapa shirughana kwaghumwe a mete shirugho naku tapa viwaneana uame likutjindjo muupyuu na ngine.
15. Liyeruko mpepo ntani nalikutjindjo livyuko lyompepo.	✓ Ghambaura lidimbururo lya lishenyo lyampepo navantu ovo vana karo pamundiro. ✓ Konakonanka ndira nandughanito. Tjindja ndughanito ntjene vina kara hepero mukurenkitira mpepo.
16. Kuwana tumavango twamundiro kuteta pamutunda.	✓ Pukurura vantu navantje kuhamena tumavango twamundiro wangu wangu. ✓ Konakona ntjene lighano lina karo po shipe kapi lina kara mushiponga mukulirughanita shimpe.
17. Maholi kurenkita kuditopita lidukiro kumavango ghalipopero.	✓ Wapeka tumavango twa ntamekero u pulitire shirugho shakukupopera shirepe.
18. Kurara pepi namutunda wamundiro.	✓ Rara mumavango ogho ghana keno kuviponga. ✓ Kutaperenu mukurara mposhi ghumwe ndi vamwe vayimane vakengere.



Pakukugwanekera namundiro wakudira kuvhura, lipopero lya vininke vyamulyo vyamukunda navadimiti mundiro vina hepa kukara:

1. Lipopero lyanaumoye.
2. Lipopero lya vaunyoye (rondora nakuvatera vaunyoye).
3. Likungo lya viweka navininke.
4. Likungo lya marunone.

Namibia kwakara nantungontjitwe yakukukarera ntani vihepwa vya mukunda omo divhura kuwanena mauwa kulikaropo lyamundiro ogho vana kukengera nawa. Vilyo vyalirughanito ndjira dino vatwenya muno ntani nalikuyombilito lina hepa kulikuyikita ntani kulirughanita na nkalito mundunge. Lirerupito, lipopero ntani litikitomo kukengera mundiro nawa shimwe sha ndjira dadingi dakukulita vinakugwanita vyalivhu nadimukunda. Kukupa shirughana sha mbunga, likuturomo nalikulito lya vadimiti mundiro ngali vatera muku gwanitapo vitambo vya marunone gphantjitwe ntani likukwatito mumaparu ghavatungimo.

Madidliliko

[illegible]

